

Izjava o saglasnosti za tablete kalijum-jodida

Izjava o saglasnosti za uzimanje tableta kalijum-jodida

Dragi roditelji! Dragi staratelji!

Preko 30 godina austrijsko Ministarstvo zdravlja stanovništvu besplatno obezbjeđuje tablete kalijum-jodida, pa tako i škole i vrtići.

Zašto je važno uzimanje tableta kalijum-jodida?

Ako dođe do oslobađanja radioaktivnog joda u slučaju nuklearne nesreće, tablete kalijum-jodida obezbjeđuju stabilan jod tijelu i na taj način sprečavaju izlaganje štitne žlijezde velikoj količini zračenja.

Zašto je važno blagovremeno uzimanje tableta kalijum-jodida u slučaju kvara nuklearnog

reaktora? Tablete kalijum-jodida pružaju zaštitu samo ako su uzete PRIJE pojave radioaktivnih vazdušnih masa. Tada tijelo ima vrijeme da „izgradi“ zaštitu. U cilju blagovremenog dijeljenja djeci tablete se čuvaju u obrazovnim ustanovama.

Kada se i po čijem nalogu dijele tablete kalijum-jodida u školi?

Tablete se smiju davati samo po izričitom nalogu organa za zaštitu od zračenja. Školi je potrebna vaša saglasnost kako bi vašem djetetu isključivo u slučaju neposredne nuklearne opasnosti smjela dati da ponese kući tablete kalijum-jodida – radi uzimanja po nalogu organa za zaštitu od zračenja.

Pažljivo pročitajte priložene informacije u uputstvu za upotrebu tableta kalijum-jodida i dajte potpisanu saglasnost djetetu da ponese u školu. Hvala!

(izjave o saglasnosti na njemačkom i još 12 jezika pronaći ćete na internetu: verzije za štampu: www.schularzt.at)

Uprava

IZJAVA O SAGLASNOSTI

Ime i prezime djeteta:

Datum rođenja:

Ime i prezime roditelja/staratelja:

- DA, saglasan/saglasna sam da (tokom trajanja pohađanja ustanove) mom djetetu po nalogu organa za zaštitu od zračenja budu date tablete kalijum-jodida. Potvrđujem da mi kod djeteta nisu poznate netolerancije i kontraindikacije za uzimanje tableta i da ću školu bez odlaganja obavijestiti ako saznam za netolerancije ili kontraindikacije.
- NE, ne dajem saglasnost

Datum:

Potpis:

Informacije o tabletama kalijum-jodida (preuzete iz uputstva za upotrebu)

Tablete kalijum-jodida ne smiju se uzimati:

- u slučaju **pojačanog rada štitne žlijezde**;
- u slučaju **dobročudnih čvorova u štitnoj žlijezdi** koji se ne mogu liječiti. U slučaju neliječenih tzv. „vrućih“ čvorova u štitnoj žlijezdi postoji opasnost od znatno pojačanog lučenja hormona štitne žlijezde što u najgorem slučaju može dovesti do kardiovaskularnih reakcija opasnih po život;
- u slučaju **alergije** (preosjetljivosti) na jod. Ovo je izuzetno rijetko stanje i ne treba ga miješati s učestalom alergijom na kontrastna sredstva (služe za bolji prikaz različitih organa u postupcima medicinskog snimanja, npr. rendgenska dijagnostika);
- u slučaju **alergije** na ostale sastojke tableta (kukuruzni škrob, laktoza monohidrat, mikrokristalna celuloza, osnovni butil metakrilat kopolimer, magnezijum-stearat);
- u slučaju **herpetiformnog dermatitisa** (Duringove bolesti: oboljenje kod koga se javljaju plikovi, crvenilo i osip na koži, koprivnjača i svrab praćen žarenjem, najčešće na laktovima ili koljenima);
- u slučaju alergijama izazvanih **zapaljenja zidova krvnih sudova** (hipokomplementarni vaskulitis).

Poseban oprez pri uzimanju tableta kalijum-jodida potreban je:

- u slučaju sumnje na **zloćudni tumor štitne žlijezde**. Tumori štitne žlijezde liječe se radioaktivnim jodom. Uzimanje većih količina kalijum-jodida može onemogućiti liječenje tumora;
- u slučaju bolesti koje pogađaju **dušnik**. Davanjem velikih količina joda može doći do uvećanja štitne žlijezde, čime se dodatno pogoršava već prisutno suženje dušnika;
- ako se vaše dijete liječi **antitireoidnim lijekovima (tireostaticima)**. Pitajte svog ljekara da li vaše dijete smije da uzima tablete kalijum-jodida.

Uzimanje tableta kalijum-jodida sa drugim lijekovima

- **Na djeinstvo tableta kalijum-jodida utiču:**
lijekovi koji imaju uticaja na metabolizam štitne žlijezde (npr. perhlorat, tiocijanat u koncentracijama iznad 5 mg/dl). Ovi lijekovi inhibiraju resorpciju joda u štitnoj žlijezdi.
- **Tablete kalijum-jodida utiču na djeinstvo:**
antitireoidnih lijekova (tireostatika).

Lijek Kaliumjodid G.L. sadrži laktozu. Pitajte svog ljekara da li vaše dijete smije da uzima tablete kalijum-jodida ako vam je poznata netolerancija na šećer kod vašeg djeteta.

Moguća neželjena djeinstva

Kao i svi lijekovi, tablete kalijum-jodida mogu imati neželjena djeinstva, ali se ona ne moraju ispoljiti kod svih. Zabilježena su sljedeća neželjena djeinstva:

Rijetko (javljaju se kod 1 od 1.000 osoba):

- može se ispoljiti dotad nepoznata alergija na jod. Pritom se mogu javiti znakovi alergije, npr. crvenilo na koži, svrab i pečenje u očima, curenje nosa, nadražajni kašalj, proljev, glavobolja i slične tegobe. Posebno u slučaju prisutnog herpetiformnog dermatitisa (Duringove bolesti: oboljenje kod koga se javljaju plikovi i crvenilo na koži, prije svega na laktovima ili koljenima) moguće su reakcije opasne po život (vidjeti gore: „Tablete kalijum-jodida ne smiju se uzimati“).
- Zapaljenje krvnih sudova (npr. periarteritis nodosa).

Veoma rijetko (javljaju se kod 1 od 10.000 osoba):

- pojačan ili usporen rad štitne žlijezde uzrokovan jodom. Znakovi pojačanog rada štitne žlijezde mogu biti povišen puls, napadi znojenja, nesanica, drhtavica, proljev i gubitak na težini uprkos pojačanom apetitu. U slučaju ovakvih tegoba javite se ljekaru.

Nepoznato (učestalost se ne može procijeniti na osnovu dostupnih podataka):

- iritacija sluzokože želuca može se javiti posebno pri uzimanju tableta kalijum-jodida natašte (na prazan želudac);
- zapaljenje pljuvačnih žlijezda;
- tegobe u probavnom traktu;
- blagi osip po koži.

U načelu važi:

Pitajte svog ljekara ili farmaceuta ako su vam potrebne informacije ili savjet.